

---

## Trosolwg

Mae'r Safon hon yn ymwneud â chydymffurfio gyda'r fframwaith rheoleiddiol sy'n llywodraethu ymarfer newyddiaduriaeth yn y DU er mwyn bodloni safonau ymddygiad moesegol.

Mae'n ymdrin â gwybod a pharchu cynnwys codau ymddygiad a chanllawiau cyfundrefnol cyflogwyr sydd â'r bwriad o ofalu eich bod yn cydymffurfio gyda neu'n rhagori ar y fframwaith rheoleiddiol.

Mae gofyn ichi ddeall bod methu â chyflawni'r safonau proffesiynol uchel hyn yn peryglu credadwyaeth pob mudiad a chynnwys ac yn tanseilio'r ymddiriedaeth sy'n elfen hanfodol o berthnasau cynulleidfaoedd gyda newyddiadurwyr a holl ddarparwyr cynnwys eraill.

Mae'r Safon yn berthnasol i bawb sy'n gweithio yn y maes newyddiaduriaeth.

## Meini prawf perfformiad

### *Rhaid i chi allu:*

1. cydymffurfio gyda gofynion rheoleiddio perthnasol a chodau ymddygiad y diwydiant pob amser
2. gofalu bod unrhyw gynnwys newyddion rydych yn ei lunio yn ddiuedd ac yn gywir
3. gofalu eich bod yn trin unigolion a mudiadau yn deg yn y cynnwys a chynnyrch rydych ynghlwm â nhw
4. cydymffurfio gyda chodau a chanllawiau i dderbyn unrhyw ganiatâd priodol gan y rheiny sy'n cyfrannu at gynnwys. Gofalu hefyd eich bod yn medru cyfiawnhau cynnwys unrhyw ddeunydd mae'n bosib y bydd yn pechu rhai aelodau'r gynulleidfa o ran cyd-destun
5. derbyn caniatâd priodol ar gyfer unrhyw weithred gohebu lladradaidd neu gudd, tresmasu neu ysbïwriaeth gyda dogfennau
6. ymateb i gwynion yn unol â goblygiadau cyfreithiol perthnasol a chod ymddygiad eich mudiad
7. cadw nodiadau cywir, eglur a chynhwysfawr yn ymwneud â deunydd ymchwil neu gyfweiliadau ar gyfer y cyfnod penodol yng nghod ymddygiad neu ganllawiau'r cyflogwr
8. datgan unrhyw wrthdaro buddiannau dichonol o ran y maes pwnc rydych yn ymdrin ag o yn unol â chodau ymddygiad neu ganllawiau
9. gofyn am gyngor pobl cymwys a phrofiadol wrth ymdrin ag unrhyw fater moesegol rydych yn ansicr yn eu cylch

## Gwybodaeth a dealltwriaeth

### *Mae angen i chi wybod a deall:*

1. dyletswydd rheoleiddwyr gan gynnwys Ofcom a Chod Darlledu Ofcom sy'n berthnasol i newyddiadurwyr darlledu a Chod Ymarfer y Golygydd, IPSO ac Impress ar gyfer newyddiadurwyr argraffiadau/ar-lein
2. codau ymddygiad, canllawiau cynnwys a rhaglenni a gweithdrefnau cwynion mewnol eich cyflogwr
3. materion cydraddoldeb ac amrywioldeb yn ymwneud â newyddiaduriaeth a sut i asesu effaith cynnwys a chynnyrch eraill arnyn nhw
4. yr ystyriaethau wrth asesu deunydd ar-lein gan ffynonellau ar y we na chaiff eu rheoleiddio
5. peryglon a buddion gohebu dirgel o ddeunydd, gan gynnwys pryd i a phryd i beidio datgan eich gweithgareddau gohebu – er dibenion newyddiadurol neu adloniant
6. pryd mae'n ganiataol amharu ar breifatrwydd unigolyn er lles y cyhoedd a lles cenedlaethol
7. sut i benderfynu dylech chi gyfweld a phwy i'w cyfweld a phryd mae hi'n briodol ichi ildio
8. codau a chanllawiau cynnwys cyfundrefnol sy'n ymwneud â deunydd gall bechu pobl
9. pryd mae'n briodol ichi holi am gyngor golygyddol neu gyfreithiol – a sut i'w dderbyn yn eich mudiad neu'n annibynnol
10. sut i asesu gwrthdaro buddiannau dichonol a pham na ddylech chi ddefnyddio gwybodaeth gyfrinachol rydych chi wedi ei hennill wrth eich gwaith er budd eich buddiannau chi neu fuddiannau preifat eich partneriaid
11. pryd a sut i drafod gweithredoedd terfysgol, protestiadau sifil neu anhrefn cyhoeddus a phryd ddylech chi roi'r gorau i'w trafod
12. p'run ai ydy eich gohebu yn gwaethygu sefyllfa neu'n dwysáu cyflwr dinasyddion, ac os felly, sut mae modd cyfiawnhau hyn
13. pryd a sut ddylech chi gynnig cymorth dyngarol

SKSJ4

Cydymffurfio gyda chodau ymarfer, rheoliadau a safonau wrth weithio yn y maes newyddiaduriaeth



---

<b>Datblygwyd gan</b>	ScreenSkills
<b>Dyddiad cymeradwyo</b>	31 Maw 2019
<b>Dyddiad Adolygu Dangosol</b>	30 Maw 2022
<b>Dilysrwydd</b>	Ar hyn o bryd
<b>Statws</b>	Gwreiddiol
<b>Sefydliad cychwynnol</b>	ScreenSkills
<b>RCU gwreiddiol</b>	SKSJ4
<b>Galwedigaethau perthnasol</b>	Cyfryngau a chyfathrebu, Gweithwyr Proffesiynol Cyswllt Cyfryngau
<b>Cyfres/Set</b>	Newyddiaduriaeth
<b>Geiriau Allweddol</b>	Codau, Ymddygiad, Canllawiau, Cyfreithiol, Cyngor

---